

DIÉNESÉSI

SAPTA 1

1. Kótóné ama keké nane adimó sǎdó haetamo kaadadipakadepó. 2. Kade hae tikimó me ona munipó. Mo hane moipakadepó. Wę tómó didikitedemaaté bedepa, Kótóné ama kepe wę apaae bedene dedepapa hane tuǎmó kutu bitipakadepó. 3. Tédó, Kótóné ama dudaadu, "Dǎae." depa, dǎipakadepó. 4. Atépa, Kótóné ama dę wisipa kedadepó. Tédó, Kótóné dǎdó didikitamo dane munaaidaadu bukipakadepó. 5. Bukódó, dę kidityadaadu, doi dętede doi munónó, didiki kidityadaadu, doi dikityede doi munédipakadepó. Tédódó, hika be dęyóo dikityo dedetei be dę betǎ kemeipakadepó.

6. Tédó, Kótóné dudaadu, "Me wę kaepaae maayóo, me wę kaepaae maayópódó tuǎmó hane enópódó yae." ipakadepó. 7. Kótóné hane edaaide tiki enópódó ǎdó bedede wę ǎpaae tukódó, taodó bedede wę taopaae tikipakadepó. 8. Tukódó, Kótóné ama kade hane tiki sǎ doi munédipakadepó. Tédódó, hika be dęyóo

dikiyóo dedetei kodosade noma be de kemeipakadepó.

9. Kodosade noma be de kemeyódó, Kótóné dudaadu, "Sá aqódó bedede wẹ betapaae toudódó maayónó, hae ade pae." depa, hae ade pipakadepó. 10. Hae ade pódó, Kótóné kade kapui adeade hae doi hae pake doi munónó, kade maayane wẹ doi wẹ kena doi munédipakadepó. Atédódó, Kótóné ama yade ada wisipa kedadepó. 11. Tédó, Kótóné ama dudaadu, "Pea kae kae ede ona, nokode ona pea, ne, ni du odetede ni pea haetikimó botokae. Betá tiki daayaaide ni ama ke budó botokae." depa, butukipakadepó. 12. Pea kae kae ede ona, nokode ona, ni du odetede nikédé, betá tiki daayaaide ke toudódó, haetikimó butukipakadepó. Atépa, Kótóné ama wisipa kedadepó. 13. Tédódó, hika be deyoó dikiyoó dikitedetei dq noma be de kemeipakadepó.

14. Tédó, Kótóné ama dudaadu, "So hwiné kódódó tué mwópódó, be deñé diki tuámó tukópódó, adidape, sukadape ba po yópódó, 15. hae kwia pea deqópódó, deqtededape samó daayae." depa, daaipakadepó. 16. Atédó, Kótóné doakade deqtede tapadatamo daadédipakadepó. Mo doakade deqtedeteiné be de kaae tawópódó daadadepó. Sawa doasi deqtedeteiné didikitede kaae tawópódó daadadepó. Hqdekédé daadadepó. 17. Atédó, Kótóné deqtededape hae kwia pea deqópódó, daadadepó. Be deqtededó didikitedetamo

stadeqópódó daadadepó. 18. Be deqódó didikitamo tukópódó daadédipakadepó. Atépa, Kótóné ama wisipa kedadepó. 19. Tédódó, hika be diyóo dikiyoó dedetei dq suka kemeipakadepó.

20. Tédó, Kótóné dudaadu, "Mo pea ya pudu dokosó kotede yadape wémó wó mwae. Hae pake pea badape sikimó kwęae." ipakadepó. 21. Kótóné samwa ya kaae ona, pea wémó betede yadape, bakédé betá tiki daayaaidetei adipakadepó. Atépa, Kótóné ama wisipa kedadepó. 22. Tédó, Kótóné onadape wisidatudaadu, "Deté pode manené wẹ sūdópódó pakedae. Bakédé mo pea hae kwia betedqópódó pakedae." ipakadepó. 23. Tédódó, hika be deyoó dikiyoó dedetei apo suka kemeipakadepó.

24. Tédó, Kótóné dudaadu, "Haenétei pea kae kae betá tiki daayaaide hupu, ná edokédé, bedei onakédé ade pódó betae." depa, téipakadepó. 25. Atédó, Kótóné pea kae kae betá tiki daayaaide hupu, na, edo, pea bedei onakédé, betedédipakadepó. 26. Atépa, Kótóné ama wisipa kedadepó. Tédó, Kótóné dudaadu, "Hwı dq aso kaaetei adiepe. Wémó betede yakédé, samó pode bakédé, haemó betede hupukédé, pea hae tómó kotede onakédé, hae tikikédé hwıné kaae tawópódó, hwı adiepe." 27. Yódó, Kótóné ama aso kaaetódóti hwı adipakadepó. Kótóné a kaae sy sódó hwı adipakadepó. Sódó hwıtamo adipakadepó. Ama aso kaaetódóti Tadené

so hwi adipakadepó. 28. Tédó, Kótóné ama ponétei atimaamo wisidatudaadu, "Naane, senaane deódó pakedae. Hae kwia pea sɔɔdae. Pea tɛtódódó kaae tawae. Wɛmó betede ya, samó pode ba, hae tómó kotede onakédé tɛtódódó kaae tawae." ipakadepó. 29. Kótóné ama atimaamopaae dudaadu, "Pea haemó ede ne, ke budaaide nekédé, pea naasepódó i matede ape. Du odetede ni, ke budódó, diaamo naasepódó i matede ape." ipakadepó. 30. Tédó, Kótóné dudaadu, "Pea kae kae ede ona, du odetede ne, nikédé, haemó betede hupuné, nané, sikimó kotede bané, pea kae kae sɔɔpe bode onané nɔpódó yano i matede ape." ipakadepó. 31. Atépa, Kótóné ama adeade ona pea wisipa kedadepó. Tédódó, hika be dɛyóo dikiyóo dedetei apomi be dɛ kemeipakadepó.

SAPTA 2

1. Atédó, sɔɔdó haetamokédé, pea ona onakédé, Kótóné adeódó kemedédipakadepó. 2. Kótóné apomidó be dɛ ama pea ditede kutó kemedódó, wɛke be dɛmó betɔ kutó taadódó, sɔɔ nónó hane bitipakadepó. 3. Kótóné ama pea ditede kutó kemedódó, wɛ ke be dɛmó kutó taadódó, hane betadepódó, so hwikédé, atédó betedópódó, be dɛdape tadeódó wɛ kɛ be dɛ wisidódó.

kae munanepó.

4. Étéipakadepó. Kótóné ama sɔɔdó haetamo adeade adimó i ada ipakadepó. 5. Até yade adimó i hae kwiamó ona bidiaaide hwi meipa, kutómó botokaaide ona hunipó. 6. Kótóné ama i haepaae hadi ananitei, epo betɔ haedó sókó hódódó, hae kwia pea kokodaa edatua ipakadepó. 7. Tédó, Tade Kótóné hae budayódó, hwi adeadepó. Adeódó, Tade Kótóné ama kade hwiné popaaedodomó betedaaide sɔɔpe pwó daadadepó. Tɛyademó, kade hwi ade pódó, betadepó. 8. Tade Kótóné ama Idini hae kwiamó suka hotedepaae aipaae kutó didódó, ama adeade hwi betedadepó. 9. Tédó, Tade Kótóné pea kae kae hwiné kedené kodódó kede pedétede nidó hwiné nokode du odetede nitamo haemó botokodédipakadepó. Hwiné du nónó ti betaaide nikédé kutó tuamó ama botokodédipakadepó. Hwiné nónó dowi au dededó wisi au dedetamo tuɛné tadeyaaide nikédé kutó tuamó ama botokodédipakadepó.

10. Betɔ wɛ kade kutó kokodaadaai Idini hae kwia wadepó. Aité wódó, edekeyódó, dɔdó wɛ pipakadepó. 11. Kodosade pode wɛ doi Pisiyonipó. Pisiyoniné Hapida hae kwia wódó wódó dapó. I hae kwia kododi kapa mone haepó. 12. Ai hae kwiamó mone kododi kapa mo wisidapó. (Kododi kapa mo hane ona meino. Doa moni sede onawó.) Bédidiami ni pɛkédé,

akisi hode hode onakédé aimó munapó. 13. Kodosade noma pode wẹ doi Kionipó. Kioniné Kusi hae kwia pea wódó wódó dapó. 14. Dọ noma pode wẹ doi Taikidisipó. Ai wẹ Asidia hae kwia suka hotede kwiapaae pudapó. Dọ pode wé doi Yupadetisipó. Kade wédape atédó pipakadepó. 15. Tédó, Tade Kótóné ama kutó kaae tadudaadu, ne sọpódó Idini kutómó hwị daadédipakadepó. 16. Tédó, Tade Kótóné kade hwipaae ama po munótudaadu, "Pea ni du nenépa, dekédó nae. 17. Nukudaadutei hwịné nónó dowi au dededó wisi au dedetamo tuéne tadeyaaide ni du betạ nọse. Noątepaé. Yạ ai ni du nukupa, atétede sukamó yạ mo sukaanopó." yadepó.

18. Tédó, Tade Kótóné dudaadu, "Hwị wótódó betepa dodapó. Yano ọ pasaaideitei ọ sụ kaaetódóti adedaadopó." yadepó. 19. Tédó, Tade Kótóné ama pea haené budayódó adeade hupu, na, betede ona pea, noa doi munaanoé yódó, hwị betedepaae wosaai, betede ona pea dapesódó pipakadepó. Tétepa, kade hwịné yade doitódóti munédipakadepó 20. Atédó, kade hwịné pea bakédé, haemó betede ona pea, doi munédipakadepó. Téyadetei, Adami ọ kaae pasaaide ona bitinipó. 21. Tétepa, Tade Kótóné hwị doa noke pidédipakadepó. Téyademó, ọ noke pipakadepó. Pipa Tade Kótóné ama pisini sókódó dodo miné mokoneyąą edédipakadepó. 22. Sokódó, Tade Kótóné sokade

pisininé so adeódó, hwipaae dapesódó pipakadepó. 23. Dapesódó wapa, hwịné so kódódó dudaadu, "Ai ape. Miọ súpó. Tita, ọ yano midó diditamóné adeadeteipó. Hwịné tikiné adeadepódó ama doi so doi munaanopó." yadepó. 24. Atéyadetikimó hwị peané ama hamadó animatamo taadódó, ama somatamo betạ tiki daayaadopó. 25. Atédó, kade hwịdó somatamo tiki hane bitudaadu hade inipó.

SAPTA 3

1. Etéyadepó. Wudi ọta mo ti didikitu betade onapó. Tade Kótóné adeade hupu ó na ó mepaae betade ona pea wudi ọ kaae meipó. Wudi ọta mo didikitu betade topo onapó. Pea ona betadetei, ọ sụ bitinipó.

Tédó, kade wudiné sopaae dudaadu, "Kótóné diaamopaae 'Kutómó daade ni du pea naqse.' po mo yadeé?" ipakadepó. 2. Tétepa, kade soné wudipaae dudaadu, "Kótóné damopaae kutómó daade ni du nukudaadutei tuamó daade ni du betá naqse yódó po munanepó. 3. Tadené damo sukąqsódó ai ni du betá mo odaa yaqse, mo naqse." yadepó. 4. Ai po depa, kade wudiné sopaae dudaadu, "Ya mo sukaanomeipó. 5. Ti noqtepa meipo. Kótóné i tuédapó. Kade i ni du diaamoné nénanemó ai ni du nokode sukamó diaamo

Kótó kaae tué mwaanopó. Nənanemó diaamoné wisi au dede aukédé dowi au dede aukédé tadeyaadopó. Diaamo Kótó kaae daayaadopó." ipakadepó. 6. Téyademó, kade soné kade ni du kedademó, nokode ona wusipa, kede pedétede onapa, nónó tué mwaaide onapa, kódódó kade ni du tókódó nanepó. Nónó, ama omakédé manepó. Tétepa, kade hwiné nanepó 7. Tédó, atimaamoné tué mwanepó. Tué munó, atimaamo tiki hane betede tué mwanepó. Tué munó, atimaamo nose sóku nomónó, sepedédó dotamo sadepó.

8. Tédó, kuduka, be hotedetamo Tade Kótó kutómó kutudaadu doj doj depa, kade hwídó ama somatamoné wosadepó. Wosódó, Kótóné atimaamo kenąqsódó, kutó

tuámó daade niné kinónó hyq munó betadepó.

9. Téyademó, Tade Kótóné hwipaae po tókódódó dudaadu, "Yá momó betede?" yadepó. 10. Tétepa, kade hwíné dudaadu, "Yá kutómó kutudaadu doj doj depa wosódó, yano tiki hanedemó ę witepa hyq muni pipó." yadepó. 11. Tétepa, Kótóné dudaadu, "Naaq tiki hanedapó po né yó maneé? Yano yápaae naqse yódó po munane ni du naaq naneé?" yadepó. 12. Tétepa, kade hwíné dudaadu, "Naaq ętamo daanópódó mane soné ama kade ni du ę menatepa, nanepó." yadepó. 13. Tétepa, Tade Kótóné sopaae dudaadu, "Naaq noqtepa atei au

yadeé?" yadepó. Tétepa, kade soné dudaadu, "Wudiné ę didikitepa, nanepq." yadepó. 14. Tétepa, Tade Kótóné wudipaae dudaadu, "Naaq i au yademó yá mo ti mokodatapó. Hupu, na pea yá kaae meipo. Yá mo mokodadepó. Yá naaq depené didisyó pae. Betede dokq pea yá didisyo kutudaadu hae hqko nae. 15. So diaamo yano bóe dedatapó. Naaq deté paaide manedó soné deté paaide naanetamo bóe dópódó yaadopó. Soné detede naanené naaq topomó daadopó. Kade soné detede naanené hómakemó naaq daadopó." yadepó. 16. Tédó, Tadené sopaae dudaadu, "Naaq naane saai dededede dede ada yano mo pakedaadopó. Naaq naane sudaadu wópudó doa dedeódó saadopó. Tétudaadutei, naaq hwj hįkeseyaadopó. Yá naaq hwj aqmó bitudaadu hwíné ama yá kaae tawaadopó." yadepó. 17. Tédó, Tadené ama Adamipaae dudaadu, "Naaq soné po wósódó, yano, 'I ni du naqse.' yade ni du naaq nanemó, hae kwia pea yano mokodatapó. Betede dokó pea haemó bitudaadu, depe tukó wei au du betódó, naao ona haemó botokodódó naanopó. 18. Dowi mu képidó dowi netamo hutudaadu, kutó dodaadopó. Yá hane ede ona betą naanopó. 19. Depe tukó wei au deté pu betódó, naaq ona atédó naanopó. Atédó dią depe tukó wei au du betódó ona naanopó. Até deté pu betódó yá sinónó yá sókó wade haepaae momo paadopó." 20. Kade so betąnétei hae kwia pea betede so hwj deadepó.

Téyaadopódó, kade hwíné ama so doi Ipi doi munanepó
21. Tédó, Tade Kótóné Adamidó ama somatamomó
 kitidaaide dodó hwíné sepedetamo na sekəꝯ nomónó
 atimaamo sedadepó.

22. Tédó, Tade Kótóné dudaadu, "Kade hwí dꝯ kaae
 bitudaadu dowi au dededó wisi au dedetamo tuéné
 tadetu a betede ape. Atédapa, miq kade nónó ti
 betaaide ni du tókó nukupa, ꝯ ti betəꝯsódó ai hꝯko
 pedediépe." yadepó. 23. Tade Kótóné adeade haepaae
 pódó bitudaadu kutó diqópódó, kade Idéni kutó
 taadódó atimaamo hokonanepó. 24. Atédó, kade hwí ama
 somatamo Tadené pae yódó, hokonanepó. Hokonónó,
 Idéni kutó suka hotede kwiapaae Tadené ama kutó
 ditede Sedepimi hwídape kaae tawódó daadadepó. Kade
 Sedepimidapené kade si mi doakade sepake tawódó
 daadu hosaapaae menónó tokq su sisopaae menónó tokq
 su, dəpaae menónó tokq su du bitudaadu hwíné nónó
 ti betaaide ni betepaae wəꝯsódó, kaae tawqópódó
 daadadepó.

Published 1980

Printed by the S.I.L. Printing Department
 Ukarumpa, E.H.P., Papua New Guinea

National Library of Australia
 Card Number and ISBN 0 86893 094 6